

OPĆINA NOVI GRAD
JU OŠ „SOKOLJE“
SARAJEVO
Broj: 01-1178/23
Sarajevo, 31.10.2023.god.

Na osnovu člana 94. Zakona o osnovnom odgoju i obrazovanju („Službene novine Kantona Sarajevo“, br. 23/17, 33/17, 30/19, 34/20 i 33/21), člana 86. Pravila JU OŠ „Sokolje“ Sarajevo, člana 21.a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11), a u skladu sa Pedagoškim standardima i općim normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu („Službene novine KS“ broj: 30/18, 9/22 i 20/22), školski odbor JU OŠ „Sokolje“ Sarajevo na sjednici održanoj dana 31.10.2023. godine donosi

ODLUKU
o usvajanju Pravilnika o videonadzornom sistemu u JU OŠ „Sokolje“ Sarajevo

I

Usvaja se Pravilnik o videonadzornom sistemu u JU OŠ „Sokolje“ Sarajevo u tekstu koji je sastavni dio ove Odluke.

II

Pravilnik iz tačke I ove Odluke objaviti na oglasnoj ploči i web stranici Škole.

III

Odluka stupa na snagu danom donošenja.



PREDSJEDNICA ŠKOLSKOG ODBORA

Sabanović Nanna

Dostavljeno:

1. a/a 2x

Na osnovu člana 21.a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11), a u skladu sa Pedagoškim standardima i općim normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu („Službene novine KS“ broj: 30/18, 9/22 i 20/22) školski odbor JU OŠ „Sokolje“ Sarajevo na sjednici održanoj dana 31.10.2023.godine, donosi

P R A V I L N I K O VIDEONADZORNOM SISTEMU U JU OŠ „SOKOLJE“ SARAJEVO

I PREDMET PRAVILNIKA

Član 1.

(1) Pravilnikom o videonadzornom sistemu u JU OŠ „Sokolje“ Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama i dvorištu **JU OŠ „Sokolje“ Sarajevo** (dalje u tekstu: Škola) i opseg podataka, koji se prikupljaju, način i vrijeme čuvanja te upotreba snimljenih podataka, zaštita prava učenika, radnika i svih drugih osoba koje se nađu u Školi.

(2) Ovaj Pravilnik primjenjuje se na odgovarajući način u skladu sa zakonskim i podzakonskim aktima kojima se uređuje i reguliše zaštita ličnih podataka i provedba sistema tehničke zaštite.

II ZAKONSKI OKVIR

Član 2.

Zakon o zaštiti ličnih podataka Bosne i Hercegovine, član 21a („Službeni glasnik BiH“, broj: 49/06, 76/11 i 89/11) predviđa uspostavu videonadzornog sistema.

Član 3.

U skladu sa Pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu predviđena je uspostava odgovarajućeg videonadzornog sistema u osnovnim školama.

III SVRHA VIDEONADZORNOG SISTEMA

Član 4.

(1) Videonadzorni sistem se koristi radi prevencije vršnjačkog nasilja, sigurnosti učenika, radnika i svih drugih, koji se nađu u prostorijama i dvorištu JU OŠ „Sokolje“ Sarajevo.

(2) Videonadzorni sistem, uz navedeno iz prethodnog stava ovog člana, koristi se i za zaštitu objekata i imovine škole, sprečavanje protivpravnih radnji usmjerenih prema imovini škole, zaštiti od krađe, provala, oštećenja, uništenja i sl.

(3) Snimke koje su snimljene videonadzornim sistemom mogu se isključivo koristiti za navedeno u stavu (1) i (2) ovog člana.

Član 5.

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

IV OPSEG PODATAKA VIDEONADZORA

Član 6.

Videonadzorni sistem Škole obuhvata:

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetljive su na pokret.
- c) Uređaj za pohranu videozapisa deponuju i arhiviraju videozapise u trajanju od 30 dana nakon čega se automatski brišu.

Član 7.

- (1) Unutrašnje kamere pokrivaju glavne koordinate, hodnike i komunikacije unutar škole.
- (2) Vanjske kamere pokrivaju prostor dvorišta škole i ulaz u školu.

Član 8.

Videonadzorni sistem is člana 6. ovoga Pravilnika koristi se u svrhe predviđene članom 4. ovoga Pravilnika.

Član 9.

- (1) Na ulazu u školu i oko školskog dvorišta postavljaju se vidljivi znaci obavijesti: PAŽNJA OBJEKAT POD VIDEO NADZOROM.
- (2) Znak na samom ulazu u školu sadrži i kontakt telefon preko kojeg se mogu dobiti opće informacije o videonadzoru.

V UPOTREBA PODATAKA

Član 10.

- (1) Uređaj za snimanje (hard disc) i administrativni centar kontrole i obrade podataka nalazi se u kancelariji direktora škole zaključan ulaznom lozinkom koju posjeduje direktor škole i koji je kontrolor videonadzornog sistema škole.
- (2) Direktor škole može ovlastiti pomoćnika direktora, pedagoga, sekretara, EMIS odgovornu osobu škole kao i drugog uposlenika da imaju pristup videonadzornom sistemu škole (u realnom vremenu ili pristup arhivi podataka), u svojstvu obrađivača podataka.

Član 11.

- (1) Kontrolor videonadzornog sistema jeste direktor škole kao odgovorno lice.
- (2) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a Zakona o zaštiti ličnih podataka Bosne i Hercegovine.
- (3) Podacima u smislu stava (2) ovoga člana odgovorno lice ima u prostorijama škole ili putem IP veze sa druge lokacije ili mobilnog uređaja.

Član 12.

Pristup administraciji videonadzora, monitoringu i obradi podataka imaju i ovlaštene policijske agencije i ministarstvo unutrašnjih poslova Kantona Sarajevo uz predočenje validnog naloga.

Član 13.

Monitoring u realnom vremenu, u smislu obrade podataka, imaju i lica koja ovlasti direktor škole.

VI ZAŠTITA LIČNIH PODATAKA

Član 14.

U skladu sa članom 21.a Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

- a) Snimci pohranjeni putem videonadzora na osnovu kojih se može identificirati nosilac podataka predstavljaju zbirku ličnih podataka;
- b) Direktor škole dužan je obezbijediti poštivanje prava na zaštitu privatnosti i ličnog života nosioca podataka,
- c) Direktor škole je dužan obezbijediti da je na vidnom mjestu pri ulasku u školu istaknuto obavještenje o vršenju videonadzora i kontakt telefon, na način kako je to precizirano članom 9. ovog Pravilnika;
- d) Direktor škole, osobe koje ovlasti direktor škole, kao ni bilo koja druga osoba, ne smiju koristiti podatke o osobama prikupljene videonadzornim sistemom zaštite izvan njihove zakonske namjene;
- f) Video zapis se čuva 30 dana od dana nastanka nakon čega se briše.

Član 15.

Evidencija nad zbirkom ličnih podataka u smislu tehničke izvedbe videonadzornog Sistema (arhivski zapis) definiše se članom 13. Zakona o zaštiti ličnih podataka Bosne i Hercegovine.

Član 16.

Pravilnik podrazumijeva poštovanje člana 30. Zakona o radu FBiH, koji se odnosi na postupanje sa ličnim podacima radnika.

VII PRELAZNE I ZAVRŠNE ODREDBE

Član 17.

Javnost se upoznaje sa sadržajem ovog Pravilnika putem službene web stranice škole.

Član 18.

Za tumačenje odredbi ovog Pravilnika nadležan je Školski odbor.

Član 19.

Ovaj Pravilnik stupa na snagu danom donošenja i biće objavljen na oglasnoj ploči i web stranici Škole.

Broj:01-1178-01/23
Sarajevo, 31.10.2023.godine

PREDSJEDNICA / ŠKOLSKOG ODBORA

Sabanović Naliha